

醫方彙編

二



刻醫方集宜卷一目錄

中風門

附癲狂心風

中寒門

中暑門

中濕門

燥病門

火病門

痛風門

五痺門



刻醫方集宜卷之一

贈

奉訓大夫

金陵竹溪丁

鳳文瑞父纂輯

男

贈承德郎

戶部雲南

司主事丁

選汝賢父

雲南

僉

事丁

遂汝良父

孫 浙江衢州府知府丁明登客東父仝訂

姑篾

後學

呂子惠

正訛

中風

風爲百病之長卒然中之令人迷悶涎潮壅上焦心腑蓋由脾胃不和不能收涎故也輕則爲感重則爲



中感則手足緩弱拘攣中則半身不遂口眼歪斜肌
肉疼痛痰涎壅盛癱瘓不仁舌強不語精神恍惚至
於人事不知口噤無汗涎不作聲者尚易治焉若
眼閉口開手足不收汗出如珠髮直吐沫面赤氣鼯
喉中涎嚮聲如拽鋸或如鼾睡搖頭上竄目瞪遺尿
此皆惡候藥無益矣大抵中風之病須識表裏中腑
中臟之分治有汗吐下之三法然汗宜少汗下宜少
下蓋多汗則傷衛多下則損榮是故經有汗下之戒
焉善療者錯綜斟酌而藥之思過半矣

中風辯

迨攷近代三子之論與昔人之論不同河澗云中風
非中風也由乎將理失宜心火暴盛腎水虛衰不能
制之陰虛陽實熱氣怫鬱心神昏冒筋骨無用卒倒
無知因喜怒思悲恐五志過極熱甚火動而作也東
垣云中風者非外來風邪乃本氣病也凡人年逾四
旬氣衰之際或因憂喜忿怒傷其氣則多此疾壯歲
之人罕有也或肥甚者間有之亦由形盛氣衰故如
此丹溪云西北氣寒爲風所中誠有之矣東南氣溽

而地多濕有風者非風病也皆是土濕生痰痰盛生熱熱盛生風噫予嘗究心於三子之論矣河澗主乎火東垣主乎氣丹溪主乎濕惟昔人專主乎風三子皆不言風而昔人言之是非將何定乎以三子之言是則昔人非也以昔人之言是則三子非也要以古今之論皆不可偏廢昔人言風者以其時恬澹虛無精神內守七情少干飲食澹薄內傷者少惟外來風邪不正之氣感之今時則異於是也七情撓其中肥甘悅其口炙煖厚味無厭於時內傷多門所以各執

一說而不同昔人之論也爲之辯者果因於風真中風也因於火因於氣因於濕者類中風非中風也若風火氣濕之殊望聞問切之間豈無辨哉辨爲風從風治辨爲火氣濕從三子治庶乎析理明而無他岐之惑用法當而無不中之劑矣

病源

外受 内生 血虛 氣虛 有痰 有濕 挾火

金匱論八風之名

偏風 腦風 目風 漏風 內風 首風 腸風

泄風

子和云諸風掉眩乃厥陰肝木之用也治以汗吐下
三法是以木鬱達之之義

盧砥鏡曰神傷於思則內脫意傷於憂愁則肢廢魂
傷於悲哀則筋攣魄傷於喜樂則皮枯志傷於恐則
腰脊難以俛仰皆中風之候也

丹溪云中風半身不遂大率多痰中在左屬血虛中
在右屬氣虛

形證

經曰風之中人大要有四一曰偏枯謂血氣偏虛半身不遂肌肉枯瘦骨間疼痛二曰風痲謂神志不亂身無痛處四肢不舉一臂不遂三曰風懿謂忽然迷仆舌強不語喉中窒塞噫噫有聲四曰風痺謂風寒濕三氣合而爲痺身頑肉厚不知痛痒風多則走注寒多則疼痛濕多則重着在筋則筋屈而不伸在脈則血凝而不流在肉則不仁在骨則隆重是也

東垣云中腑者多着四肢有表證而脈浮惡風寒拘急不仁或肢廢不舉治當宜汗中臟者多不利九竅

唇緩失音大便秘結熱盛涎潮治當宜下若中血脈
之分則口眼歪斜言語蹇澁此邪中於經也蓋風本
爲熱熱盛則風動宜靜勝其燥以養陰血陰旣旺則
風熱自潛消矣乃致有失音悶亂痰涎壅盛阻塞咽
喉者治當宜吐

戴云今人有患暴病卒然仆倒昏運涎潮痰鳴拽鋸
證類中風多致不救此非外受風邪之中也由於人
之不謹調護素以肥甘悅其而熱鬱内生妄以色
慾無度而腎水衰虧適因怒動肝火火寡於畏得以

上升是水無以降其火也火載其痰膠住喉膈遂致不救而爲病之暴也

脈法

脈訣曰中風之脈遲浮者吉急實大數三魂孤又曰中風之脈陽浮而滑陰濡而弱或浮而滑或沉而滑或微而虛或微而數寸口脈浮而緊寸口脈緩而遲皆中風脈也大抵浮遲者吉急疾者凶

治法

一卒然奄忽不知人事昏憤僵仆牙關緊急者先宜

用搐鼻通天散吹入鼻中候牙開灌以稀涎散生
姜汁或蝦汁吐痰候其甦醒然後審其脈證的是

中風者方以本門藥治

一中風脈浮惡風寒拘急不仁或肢廢不舉治當汗

宜用小續命湯加減

一中風不可使用風藥首先調氣如用風藥太早致

引風入髓難於治理宜用八味順氣散烏藥

順氣散蘇合香丸

一中腑外有六經之形證宜用羌活愈風湯加減

或小續命湯加減

一中臟內有便溺之阻滯宜用 三化湯 或疎風

順氣丸

一外無六經之形證內無便溺之阻滯是血不能養

筋故手足不能用舌強不能語宜養血筋自榮矣

所謂治風先治血血行風自滅宜用 大秦芫湯

秦芫半夏湯

一痰涎壅盛口眼歪斜不能言語者宜吐用 瓜蒂

散 三聖散

一左癱右瘓因氣血虛而痰火流注於經絡也若血
虛則痰流注於左而爲左癱若氣虛則痰流注於
右而爲右瘓治左宜養血兼以消痰降火治右宜
補氣兼以清痰化鬱 養血宜四物湯爲主 補
氣宜四君子爲主

一中風不語因痰邪塞於心肺二經上入機關也宜
用 資壽解語湯 或用竹瀝湯加石菖蒲

一舌強不能轉利言語不清舌本強硬或麻宜用

解語豁痰湯

轉舌膏

正舌散

一人初覺手足指無故麻木或不仁或手足無力肌肉蠕動者三年內必有大風作經曰肌肉蠕動命曰微風必須預先服藥以防風患宜用 愈風湯

天麻丸 秦艽半夏湯 八風散

一口眼歪斜多因忿怒憂思鬱折傷肝忽然而發不可便作風治先宜平肝理氣用 牽正散合二陳湯 或天麻丸 芎藭散

一風痰病多是火熱盛風本屬陽熱盛則風動不可多用熱燥之藥

中風痰厥喉中作聲狀如拽鋸速用騏翎蘸桐油
入喉中探吐如痰得出可治痰在咽中不吐者難
治 或用蝦汁灌下亦可吐

一 中風六脈沉伏體素虛弱及年高之人自利者宜
用 三生飲 星香飲

一 中風發熱狂言妄走神昏恍惚健忘失志宜用

牛黃清心丸 或安神丸 辰砂散

一 中風熱甚口舌乾燥揚手擲足語言錯亂精神昏

憤眼不識人宜用 清心湯 涼膈散 或人參

敗毒散加減

一中風痰盛手足不遂語言不利骨節疼痛宜用

滌痰湯

一大便不通腸胃虛澁宜用 四物湯合三化湯

一中風頭目昏運欲倒宜用 天麻湯 芎藭湯

一中風手足癱瘓宜用 草靈丹 稀簽丸

一頭目昏沉耳鳴鼻塞咽嗑不利宜用 消風散

一中風遍身頑麻四肢疼痛宜用 排風湯加秦艽

一肥白人患右肢不舉是濕痰氣虛宜用 二陳湯



南京中醫藥大學圖書館版權所有